

صاحبی ، مدیری ، محرری :



آبونه بدلی :

سنه لکي ۱۰۰ غروش
آلتی آیلنی ۵۰ »
اوچ آیلنی ۲۵ »

مخمس

۱۳۳۸

اداره خانه سی :
شهزاده باشنده (تعالی اسلام)
جمیعی مرکز عمومی

مرکز نوژیی :
باب عالی جاده سنده اتحاد
تجارت کتبخانه سی

اسلامک نفعته خادم مقالات
مع الکشیر قبول و درج اولونور

یازانک شخصی دکل : یازینک اهییتی
نظر دقته آیلنیر

دینی ، علمی ، ادبی ، اجتماعی و شمیمیلک شهری
مجموعه اسلامیه

کلن یازولردن شایان قبول کورولنلرتاریخ
مراسیله درج اولنور .

عدد : ۴

۱۳۳۹ صفرینه مخصوص نسخه

فی ۷ بوجوق غروش

مندرجات : انبیاء کرام حضراته وحی و انزال اولنان دین اسلامک شرایع و مناہجده اختلافی (اسکابی : محمد عاطف) —
جناب حق ، مؤمنلره نه شرط ایله یاردم ایدر ؟ (قونیلی : ع . عاطف) — صوفیه کرام حضراتنک روح خفنده کی تلقیاتی :
مابعد (آقسه کیلی : احمد حمدی) — قرآن کریمی ترجمه مسئله سی (محمد علی عینی) — محفل تاریخی : صفراخیر (طاهر المولوی) —
یوم و انواعی (احمد ضیا) — محفل ادبی : ایکی تاریخ وفات (حفید وحدتی : سعود المولوی — تاریخ وفات (م . صلاح الدین) —
ع . عاطف افندیکنک برنجی نسخه ده مندرج غزلنه نظیره (علی حیدر) — برقطعه (ع . عاطف الفسز بر منظومه (احمد
رضوی المولوی) — غزل : خسته لق یادکاری (طاهر المولوی) — هم حق بک افندی بی ، هم دارالحکبه بی تبریک — اعلانات
(مناجات حضرت مولانا) عنوانیله منوی شرفدن بالانتخاب طبع ایدلش اولان علاونک موزعلردن ایسته نیلده سی رجا اولنور
اسلام چیغیری : اولیای اطفاله مژده : اسکابی عاطف افندیکنک تألیف ایله یکی بواثر مینی مینی چوجقلره غایت قولایلقله
اسلامیتی اوکره تیر .
و مؤلف مومی الیهک [اسلام بولی] ، [اسلام چیغیری] [مرآة الاسلام] نام اثرلریله [علم حال] جه اولان نواقض ا کمال
ایدلش دیمکندر . لایقیله اوقومقی شرطیله بواثرلر چوجقلرک ذهنته روح اسلامیتی افاضه ایدوب حسیات اسلامیه نک تأسس
و تمرکزینی انتاج ایدر . بالخاصه اولیای اطفاله توصیه اولنور .
محل فروختی : حکاکارده کتابچی راشد افندیکنک دکانی ایله باب عالی جاده سنده اتحاد تجارت کتبخانه سیدر .

منتظم حلزونی بر حرکت دوریه اجرا ایله ـ ندن هر کون
حرکت دورانیه سنی باشقه باشقه محرکرا وزرنده اجرا ایتمی
حسیله ارضك حرکت دورانیه سی غیر منتظمدر .
عدم انتظام شونکله ده آشکاردر که شمس ، سیاده
ثابت بر خدا نقطه سی اعتبار ایدلایکی حالد نصف النهار
محلی به عمود اولان افك معین بر نقطه سی شمس خداسنه
کلیدکنه دقت اولنورسه بر قاج کون کچدکن صوکره
افك اشواشارت نقطه سنك شمسدن آیرلایکی کوریلور .
حرکات ظاهریه به کوره سویلورسه شمس هر کون افك
باشقه باشقه نقطه لرندن طلوع وغروب ایتمکده در . بزم
مملکتلر مزده شمس افقدن عمودی صورتده یوکسله میوب
مائلاً حرکت یومیه سنی بتیرمکده اولدیغندن فوق الافق
مدت مکی هر کون باشقه اولور .

[مابعدی وار]

احمد ضیا

محفل ادبی

ایکی تاریخ وفات

شیخ الاسلام اسبق ترشیجی زاده احمد مختار افندی
مرحومك نجل اکبری و وارث حسن سلوك و سیرتی (علی
عطاء الله بك) مرحوم ـ كه استقامت و فضیلتله معروف
وهم نوعه ایلك ایتمكه موصوف پاك طینت بر مؤمن
کامل ایدی ـ ایچنده بولندیغمز قاره کونلری ادراك
ایده مه مک سعادتنه نائل اوله رق ۱۳۳۲ سال هجریسی
عشر محرمنده ـ خسته خانه ده تحت تداویده بولنان یکانه
اوغلنی استفسار اثناسنده ـ فجئة ارتحال دار بقا
ایتمشیدی . وفاتندن بش کون اول کنديسیله ملاقاتمه
[اعتقادمك درجه رصانتی ، خالقكم لطف و رحمته
اعتمادمك مرتبه متانتی بیلیر سین . تمنی موت ، شرعاً
ممنوع اولقله طرف الیهیدن موت ایله حیات بیننده تخیر
اولسهم تمنی دکل ، فقط موتی ترجیح ایده رم . چونکه
مؤمنلره عقباده استراحت واردر .] دیمشیدی .

کله مزی آرامق لازم کله جکدر . بونک ایچون سیاده
قدیمدن بری طانیلان ، کنديسی آرامغه احتیاج مس
ایتمان و آدینه (شمس) دنیلان ثابت کی بر جرم ساوی
خدا نقطه سی عد اولنورسه طور دیغمز موقعدن کچن
خط شاقولی ایله ارضك محور دورانك حاصل
ایلدیکی بر سطح موهوم واردر ، بوکا نصف النهار محلی
دینلمکده در ؛ ایشته شمس بوسطح ، استقامته کلیدیکی ،
یعنی سطح مزبور اوزرنده شمس بولبور ایتمش کی
کورولدیکی ، آندن اعتباراً ایکنجی دفعه یینه اولکی وضعیه
کلیدیکی آنه قدر کچن مدت ظرفنده ارض بر دور اجرا
ایلمش اولور . ارضك بودوری بر یوم شمسی حقیقی نی
حاصل ایدر . یوم شمسیك یکریمی دیزده برینه ساعت
شمسی و ساعت شمسیك آتمشده برینه دقیقه شمسی
دینور . اگر شمس ؛ خدا نقطه سی اعتبار اولونوب
ثابت بر کوکب ویا بر نقطه نك خداسندن نصف النهار محلی
قالقوب او نقطه به ایکنجی دفعه واصل اولورسه نقطه
مذکوریه کوره ارض ، دورینی بیتورمش اولیورکه بو
دوری اتمام ایچون صرف اولنان زمانه ده یوم نجومی
اطلاق اولنمکده در ، بر یوم نجومی ؛ یوم شمسی کی ۲۴
اقسام متساویه تقسیم ایدلسه هر بری بر ساعت نجومی
و بر ساعت ده آتمش دقیقه نجومی نی حازی اولور . ارضك
محوری حولنده دوری حسیله بر یوم نجومی تمام اولدینی
حالد اطراف شمسده دور ایتمی حسیله یوم شمس
تماملانه میوب وسطی حسابله ۴ دقیقه کچدکن صوکره
اکمال ایدلمش اولور ، بناء علیه بر یوم شمسی ، بر یوم
نجومیدن ۴ دقیقه نجومی قدر اعظمدر . بو حالد
۳۶۵ وربع کوندن عبارت اولان بر سنه مداری ظرفنده
بودرت دقیقه لقی یومی فرق ، چوغاله چوغاله بر کونه بالغ
اولورکه ۳۶۵،۲۴۲ کونلك سنه مداری ۳۶۶،۲۴۲
یوم نجومی به معادل کلوب بوکاده سنه نجومی نامی ویراشدر .
ارضمك ، محوری حولنده هم غربدن شرقه
همده اطراف شمسده شرقدن غربه طوغری غیر

کنديسنه لایتنه‌ای حرمت و محبت اولدیغندن ضیاعندن متولد تأثرات قلبیه‌م الآن بردوام اولدیغی کبی الی نه‌ایده دوام ایدوب کیده جکدر .

تاریخ آتی بی مرحوم مشارالیه ایچون سویله مشدم :
عم علوی شعار و محترم هم خصال علی عالیجاه
شاهراه وصاله میل ایتدی اولدی ابرازحق ایله همراه
بنی اولجه دلفریبانه ارتحالندن ایلدی آگاه
نفرت ایتشدی بزم فانیدن دارباقی ایدی آگاه دلخواه
نه حزین ماجری بو کیم چیقمش خانه سندن علی السحرناگاه
عودتی منتظر ایکن آقشام حیف آنجق کان پیام سیاه
هاتفه جایگاهنی صوردم دیدیلر : محرمان قرب آله
هشت باب جنان آچیلدی سعود! قرب حیدر علی یه اولدی پناه
بنده قید ایلدم بو تاریخی : خلده کیتدی علی عطاء اه

۱۳۳۲

مرحوم ارتحالنده الی یدی یاشنده ایدی . قرق سنه کنديسیله تشریک حیات ایلش اولان رفیقہ سی ، زوجنک افتراقنه تحمل ایدمندی . بر محقق آی صکره اوراق بر خسته‌لق نتیجه‌سنده [زوجہ التحاق ایدیورم] دیه سوینه سوینه وفات ایتدی . شو محبت و فداکاری یه او زمان واقف اولانلر حیرتده قالمشدر ایدی .

رحمهما اه تعالی رحمة واسعة

§

یکدیگرینه بوقدر منجذب و مرتبط اولان بو ایکی رفیق حیات و ممات ، ارکک اولارق یکانه محصول عمرلری اولان حلقه‌لی زراعت مکتبی مدیر سابقی احمد مختار بکی چیلدیررجه‌سنه سوهرلر ایدی . مختار ، پدر و مادرینک ارتحالنده اوتوز بش یاشلرنده ایدی . صباوتنده پدری مرحوم کنديسنه رصین و پاک بر اعتقاد تلقین و علوم و فنون ابتدائی و تالیه‌نی تعلیم ایتدیردکنصکره ا کمال تحصیل ایچون اوروبایه کوندرمش ایدی . بلچیقاده کائن ژامبلو دارالفنوننده فنون زراعیه‌نی تحصیل و ا کمال ایدن

مختار بك ۳۲۰ سنه‌سنده مکمل بر دیپلومه ایله استانبوله کلدی . غایت خلوق و نازک برکنج ایدی . هم جنسنه الندن کلدکجه ایلک ایتکدن بیوک بر حظ دویاردی ، فقط فائق ایتک الندن هیچ کلزدی . مختلف مأموریتلرده مملکت خلیجه خدمتلا ایتدی . پدرینک ارتحالندن صکره درلو انقلابات و تقلبات حیاتیه یه دوچار اولدی . نهایت ایکی سنه اول متورماً فراش اضطرابه سربلدی . حد ذاتنده سمین و قوی بر وجود اولقله ورم اولدیغنه اینانق ایسته‌مه مشدم . برقاج آی اول بیچاره‌نی کوردیکمده حقیقت نظرمدہ تجسم ایدهرک پک زیاده متاثر و غمناک اولدم . ۲۸ ذی الحجه سنه ۱۳۳۸ و ۱۲ ایلول سنه ۱۳۳۶ تاریخنه مصادف بازار کونکی اقدام غزته‌سنده زواللی مختارک خبر ارتحالنی اوقودم . ایکی کون اول وفات ایتدیکی کوسترملکده اولدیغندن صوک خدمتی اولسون ایفایه بالطبع موفق اولدم . کنديسنه قرابت و فوق‌العاده حرمت و مودتم اولقله هم افول ایدیسنه آغلادم ، هم ایضای خدمته موفق اولهمدیغندن ناشی تأثر و تأسف ایدهرک تاریخ آتی بی نقش صحیفه ماتم ایلدم :

بی امان پنجه قهرنده ورم آفتک

عاقبت اولدی شهید آه زواللی مختار

موت دلسوز غریبانه‌سنی تورینجا

هاتف غیب دیدی « واه زواللی مختار »

۱۳۳۸

رحمه اه تعالی رحمة واسعة

حفید وحدتی : سعود المولوی

تاریخ وفات

اشک چشم طورماسین لیل و نهار اولسون روان

ایله‌سین هر ضربه‌سنده قلب محزونم فغان

عمرینک فصل بهاری اون بشنچی اولادن

کل کی یاوروم صولوب بر لحظه‌ده اولدی نهانی